

楞嚴合論

九十

C40  
4514

C40-4514



B 64853

大佛頂如來密因修證了義諸菩薩萬行首楞嚴經  
合論卷第九

阿難世間一切所修心人不假禪那無有智慧但能  
執身不行姪慾若行若坐想念俱無愛染不生無留  
欲界是人應念身為梵侶如是一類名梵眾天欲習  
既除離欲心現於諸律儀愛樂隨順是人應時能行  
梵德如是一類名梵輔天身心妙圓威儀不缺清淨  
禁戒加以明悟是人應時能統梵眾為大梵王如是  
一類名大梵天

補曰道書曰太乙者元一之氣始生於太虛之上



有玉京之天乃玉京山也四方各有八天三十二  
帝居之玉京之上有玉清上清太清三清之天三  
清之上有虛皇十天元老元尊與天真九皇居之  
無盡曰內經所謂玉京三十二帝者豈非佛之須  
彌山頂忉利天乎虛皇天者豈非佛之大梵天乎  
內經謂天皇降九氣爲混沌西天以大梵天爲世  
界主內經所謂三清天者豈非佛之空居天乎列  
子所謂無極之外無極無盡之外無盡豈非佛之  
所謂無量無邊河沙世界乎若夫大梵天王之上  
陰陽之所不及其天少光無量光光音以至於色

究竟天雖大梵王有所不知六合之外孔老亦置  
而不論此釋迦文佛所以超乎無想之外出乎空  
識之表而謂之不可思議者也

阿難此三勝流一切苦惱所不能逼雖非正修真三  
摩地清淨心中諸漏不動名爲初禪阿難其次梵天  
統攝梵人圓滿梵行澄心不動寂湛生光如是一類  
名少光天光相然照曜無盡映十方界徧成瑠璃  
如是一類名無量光天吸持圓光成就敎體發化清  
淨應用無盡如是一類名光音天阿難此三勝流一  
切憂懸所不能逼雖非正修真三摩地清淨心中麤

漏已伏名爲二禪阿難如是天人圓光成音披音露  
妙發成精行通寂滅樂如是一類名少淨天淨空現  
前引發無際身心輕安成寂滅樂如是一類名無量  
淨天世界身心一切圓淨淨德成就勝託現前歸寂  
滅樂如是一類名徧淨天阿難此三勝流具大隨順  
身心安隱得無量樂雖非正修真三摩地安隱心中  
歡喜畢具名爲三禪阿難復次天人不逼身心苦因  
已盡樂非常住久必壞生苦樂二心俱時頓捨麤重  
相滅淨福性生如是一類名福生天捨心圓融勝解  
清淨福無遮中得妙隨順窮未來際如是一類名福

愛天阿難從是天中有二岐路若於先心無量淨光  
福德圓明修證而住如是一類名廣果天若於先心  
雙厭苦樂精研捨心相續不斷圓窮捨道身心俱滅  
心慮灰凝經五百劫是人旣以生滅爲因不能發明  
不生滅性初半劫滅後半劫生如是一類名無想天  
阿難此四勝流一切世間諸苦樂境所不能動雖非  
無爲真不動地有所得心功用純熟名爲四禪阿難  
此中復有五不還天於下界中九品習氣俱時滅盡  
苦樂雙亡下無卜居故於捨心衆同分中安立居處  
阿難苦樂兩滅聞心不交如是一類名無煩天機括



獨行研交無地如是一類名無熱天十方世界妙見  
圓澄更無塵象一切沈垢如是一類名善見天精見  
現前陶鑄無礙如是一類名善現天究竟羣幾窮色  
性性入無邊際如是一類名色究竟天阿難此不還  
天彼諸四禪四位天王獨有欽聞不能知見如今世  
間曠野深山聖道場地皆阿羅漢所住持故世間麤  
人所不能見阿難是十八天獨行無交未盡形累自  
此已還名爲色界

論曰四禪者一有漏二無漏三亦有漏亦無漏四  
非有漏非無漏也俱舍曰三靜慮各有三第四靜

慮八者不分廣果之無想天也彌勒曰色界十八  
處謂梵衆天梵前益天大梵天此三由煖中上品  
熏修初靜慮故少光無量光極靜光此三由煖中  
上品熏修第二靜慮故少淨天無量淨天遍淨天  
此三由煖中上品熏修第三靜慮故無雲天福生  
天廣果天此三由煖中上品熏修第四靜慮故無  
想天卽廣果天攝無別處所復有諸聖住止不共  
五淨居地謂無煩無熱善見善現及色究竟由煖  
中上上極品熏修第四靜慮故彌勒所言梵前益  
天者此經梵輔天也又言無雲天者此經福愛天



二楞嚴經疏  
而於福愛中分二岐路者敘無想天也問曰何  
名有二岐路曰若以直往則至廣果天若以迂往  
則至無想天又問何名廣果曰以發心已來不帶  
異計唯修根本四禪而離下諸地位之染歷四位  
而至福愛天又增勝定廣果前之福生勝處是也  
又問曰何名無想天曰若帶異計六行伏惑漸厭  
漸離而至福愛天以得捨力故捨心圓融不復相  
續反窮所捨之法捨心亦亡不計身心故曰身心  
俱滅然遂執以爲涅槃心是也此妄想相也而以  
之爲真者特以第六識暫不行如冰中之魚已捨

心相不知微細心生滅未捨耳俱舍曰此天於生  
歎時有異方其初生也凡經半劫乃入無想異熟  
也故曰初半劫滅及其欲死也則自無想異熟而  
出又經半劫乃有心相心相現而後乃化故曰後  
半劫生生歎之間四百九十九劫一向無想甚矣  
末那之難離也以無想定治之而復在也闍心不  
交則無諍故名無煩研交無地則無摩故名無熱  
有妙見故名善見有妙現故名善現機括獨行無  
待也研交無地無對也陶鑄無礙能發化也陶鑄  
水火而已精性水也見性火也究竟羣幾者動之

微也於此究竟窮色性性者色性空空性覺覺則所謂色性性也若但窮色性非色究竟也色空互爲性故楞伽曰住色究竟天離諸過失處於彼成  
正覺也

復次阿難從是有頂色邊際中其間復有二種岐路若於捨心發明智慧慧光圓通便出塵界成阿羅漢入菩薩乘如是一類名爲迴心大阿羅漢若在捨心捨厭成就覺身爲礙消礙入空如是一類名爲空處諸漏既銷無礙無滅其中唯留阿賴耶識全於末那半分微細如是一類名爲識處空色既亡識心都滅

十方寂然迴無攸往如是一類名無所有處識性不動以滅窮研於無盡中發宣盡性如存不存若盡非盡如是一類名爲非想非非想處此等窮空不盡空理從不還天聖道窮者如是一類名不迴心鈍阿羅漢若從無想諸外道天窮空不歸迷漏無聞便入輪轉阿難是諸天上各各天人則是凡夫業果酬答皆盡入輪彼之天王卽是菩薩游三摩提漸次增進迴向聖倫所修行路阿難是四空天身心滅盡定性現前無業果色從此逮終名無色界此皆不了妙覺明心積妄發生妄有三界中間妄隨七趣沈溺補特伽



羅各從其類

論曰無色界天無四種雖無業果色然有定果色  
爲色所依故俱舍曰無色界無處所何也曰彌勒  
曰無色界有四處所或無處所有情量建立者謂  
瞻部洲人身量不定或時高大或時卑小然隨自  
肘三肘半量東毘提訶身量決定亦隨自肘三肘  
半量身又高大又如東毘提訶如是西瞿耶尼此  
拘盧洲身量亦爾轉復增高大四天王衆天身量  
如拘盧舍四分之一三十三天身量復增一分帝  
釋身量半拘盧舍時分天身量亦半此上一切如

欲天身量當知漸漸各增一分梵衆天身量半踰  
繕那梵前益天身量一踰繕那大梵天身量一踰  
繕那半少光天身量二踰繕那此上一切餘天身  
量各漸倍增除無雲天應知彼天減三繕那又大  
那落迦身量不定若作增長極重惡不善業者彼  
感身形其量廣大餘則不爾如大那落迦如是寒  
那落迦獨一那落迦近邊那落迦旁生餓鬼亦爾  
諸非天身量大小如三十三天當知無色界無有  
色界故無有身量以彌勒之論知其俱舍可信也  
問曰何名復有二種岐路曰於色邊際中若能發



三藏藏論卷第八  
一  
智慧光則不復登空識無所有非想非非想四天  
故名迴心大阿羅漢也若但有捨心而已則是樂  
定那含故名空處也又問曰何名半分微細全分  
末那耶曰阿賴耶第八識也末那第七識也分別  
事識第六識也三者相依而有入識之體無同無  
異六識之相分麤分細麤則外緣色空等一切諸  
法細則內緣賴耶末那兩種耳獨末那行相難辯  
雖以執受我相與癡慢愛見相應然推窮之不見  
歸宿古師以日中設水器爲喻曰水器是第八識  
也日六識也日以器中之水爲緣故壁間浮動之

影影末那也於此言全分末那者此識但內執弗  
外緣故半分微細者六識內緣賴耶末那兩種之  
細相也如人食芻剥殼而瓜分之視其黃處賴耶  
也白處全分末那也已棄之殼六識外緣色空等  
一切諸法之麤相也尚有其微膜其白處半分微  
細相又問曰何名如存不存若盡非盡耶曰雖見  
識在而不起如存不存也雖見盡而識在若盡非  
盡也言非想者識性不動第六麤識想不起故非  
非想者雖麤不起第八流注恒不息故又問曰無  
身量有壽量乎曰以識所依之報是有法有法必

有終盡故雖名無色界亦有壽量彌勒曰瞻部洲人壽量不定彼人以三十日夜爲一月以十二月爲一歲或於一時壽量百歲或於一時壽量八十歲或於一時壽量漸減乃至十歲東毘訶提人壽量決定二百五十歲西瞿耶尼人壽量決定五百歲北拘盧洲人壽量決定千歲又人間五十歲是四天王衆天一日一夜以此日夜三十日夜爲一月以十二月爲一歲彼諸天衆壽量五百歲人間百歲是三十三天一日一夜以此日夜如前說彼諸天衆壽量千歲如是所餘乃至他化自在天日

夜及壽量各增前一倍又四天王衆天滿足壽量是等活大那落迦一日一夜卽以此三十日夜爲一月以十二月爲一歲彼大那落迦壽量五百歲以四天王衆天壽量成等活大那落迦壽量如是以三十三天壽量成黑繩大那落迦壽量以時分天壽量成衆合大那落迦壽量以知足天壽量成號叫大那落迦壽量以化樂天壽量成大號叫大那落迦壽量以他化自在天壽量成燒熱大那落迦壽量應知亦爾極燒熱大那落迦有情壽半中劫無間大那落迦有情壽一中劫非天壽量如三



十三天旁生餓鬼壽量不定又寒那落迦於大那  
落迦次第相望壽量近半應知又近邊那落迦獨  
一那落迦受生有情壽量不定梵衆天壽二十中  
劫一劫梵前益天壽四十中劫一劫大梵天壽六  
十劫中一劫小光天壽八十劫中二劫自此已上  
餘色界天壽量相望各漸倍增唯除無雲天當知  
彼天壽減三劫空無邊處壽二萬劫識無邊處壽  
四萬劫無所有處壽六萬劫非想非非想處壽八  
萬劫除北拘盧洲餘一切處悉有中夭補特伽羅  
此云數取趣謂凡夫造善惡業緣或生天趣或墮

三塗取七趣不定故也 補曰寂音所論壽量於  
器界成壞劫數增減猶未之盡彼七趣壽量時數  
皆以贍部洲爲標準且以住劫中一增一減凡二  
十增減言之曰增劫者如贍部洲人壽異時止年  
十歲者生子便倍增至十五歲漸漸倍增至八萬  
四千歲故曰增劫曰減劫者如百歲減一歲自八  
萬四千歲漸漸減至十歲如是一增一減名一中  
劫也又減劫人壽減至三十歲時饑饉劫起經七  
年七月七日方滿人於是時起下品厭離心過此  
饑饉劫已人壽又減至二十歲時疾病劫起經七



月七日方止人於是時起中品厭離心過此疾病  
劫已人壽又減至十歲時刀兵劫起經七日方息  
人於是時起上品厭離心過此刀兵劫已是名小  
三灾劫也此小三灾劫但壞有情不壞器世界如  
是二十中劫成句謂成器世界也器世界成時先  
自上成色界三禪天次第成下至欲界談摩天此  
依空居者故自上而成下也其次先自下風輪次  
第成上至忉利天此依地界者故自下而成上也  
如是二十中劫成已住句謂世界已成能安住有  
情故也此二十住劫每一增劫增至八萬四千歲

時有轉輪王出治于世其減劫於二十減劫中有  
千佛出化于世如賢劫中至第九劫有四佛出化  
于世減至六萬歲時拘留孫佛出化于世又減至  
四萬歲時拘那含牟尼佛出化于世復減至二萬  
歲時迦葉佛出化于世至百歲時釋迦牟尼佛出  
化于世前八萬劫中無佛出世至第十劫減至八  
萬歲時彌勒佛出化于世十一至十四劫亦無佛  
出世至第十五劫有九百九十四佛次第出化于  
世十六至十九劫亦無佛出世至第二十劫婁至  
佛出化于世然此住劫器世界中有一須彌盧千

日月輪千四大洲作一輪圍山其頂高至二禪天  
名一小千界千小千界作一輪圍山其頂高至三  
禪天名一中千界千中千界作一輪圍山其頂高  
至四禪天名一大千界是名三千大千世界揔名  
娑婆世界是一佛所化之境同一成壞於一四洲  
中有一化身故名千百億化身如是二十中劫住  
已壞句謂住劫已滿壞劫時至也一火劫其俱生  
火起壞至二禪天二水劫其俱生水起壞至三禪  
天三風劫其俱生風起壞至四禪天而四禪天不  
壞爲捨念清淨故是名大三災劫也此大三災劫

但壞器世界不壞有情而有情徙於別界或有福  
願及三摩提力者得生四禪天中也如是二十中  
劫壞已空句謂器世界已壞空劫時至也空二十  
劫時數已復成器世界如是器世界成壞首尾連  
環源源不絕故曰成住壞空揔八十中劫名一大  
劫也

復次阿難是三界中復有四種阿修羅類若於鬼道  
以護法力成通入空此阿修羅從剋而生鬼趣所攝  
若於天中降德貶墜其所卜居隣於日月此阿修羅  
從胎而出人趣所攝有修羅王執持世界力洞無畏



能與梵王及天帝釋四天爭權此阿修羅因變化有  
天趣所攝阿難別有一分下劣修羅生大海心沈水  
穴口且遊虛空暮歸水宿此阿修羅因濕氣有畜生  
趣攝阿難如是地獄餓鬼畜生人及神仙天豎修羅  
精研七趣皆是昏沈諸有爲相妄想受生妄想隨業  
於妙圓明無作本心皆如空華元無所著但一虛妄  
更無根緒阿難此等衆生不識本心受此輪迴經無  
量劫不得真淨皆由隨順殺盜婬故反此三種又則  
出生無殺盜婬有名鬼倫無名天趣有無相傾起輪  
迴性若得妙發三摩提者則妙常寂有無二無無二

亦滅尚無不殺不偷不婬云何更隨殺盜婬事阿難  
不斷三業各各有私因各各私衆私同分非無定處  
自妄發生生妄無因無可尋究汝曷修行欲得菩提  
要除三惑不盡三惑縱得神通皆是世間有爲功用  
習氣不滅落於魔道雖欲除妄倍加虛僞如來說爲  
可哀憐者汝妄自造非菩提咎作是說者名爲正說  
若他說者卽魔王說

補曰諸師所判流通分未見定論者或指第八卷  
文殊問名後爲流通或指第九卷七趣後爲二種  
流通或指第十卷難阿若復有人後爲流通夫若



以問各後爲流通者阿難何得躡前妙明妙心而起七趣之問乎若以七趣後爲二種流通者如來何特於此流通行門乎按經始自阿難殷勤啓請妙奢摩他三摩禪那最初方便以至如來謂阿難曰汝雖強記但益多聞於奢摩他微密觀照心猶未了遂於將罷法座之後復告大衆及阿難曰汝猶未識修奢摩他毘婆舍那微細魔事原始要終不出修奢摩陀三摩禪那觀行之旨由是而知問名已後俱爲正宗直至若復有人下方屬流通也問曰何謂有名鬼倫無名天趣曰隨順殺盜姪是

有句故淪墮於四惡趣鬼倫其一也反此三種不隨順殺盜姪是無句故出生三善趣天趣其一也蓋舉一例諸以定七趣之所自耳然四惡三善中三業所犯亦有兼不兼之謂善惡雖異輪迴則一故有無相傾流轉七趣無有休息若能妙發三摩提者尚不存無二之心況隨順殺盜姪事哉阿修羅義見第五卷福備衆生下

卽時如來將罷法座於師子牀攬七寶几迴紫金山再來凭倚普告大衆及阿難言汝等有學緣覺聲聞今日迴心趣大菩提無上妙覺吾今已說真修行法

汝猶未識修奢摩他毘婆舍那微細魔事魔境現前  
汝不能識洗心非正落於邪見或汝陰魔或復天魔  
或者鬼神或遭魘魅心中不明認賊爲子

補云前文已嘗開顯陰濁之相狀而未詳敘衆魔  
之次序今重出之俾學者安住禪那不爲勝妙之  
境所移則衆魔不戰而自屈此實成佛之大旨也  
自古義學之師多以通經大畧爲能事不以進修  
三昧爲要訣遂判爲流通矣吾宗明悟之士多亦  
醉心於微辯之文不能怡神於精研之域於三決  
定義失其嚴奉故觸境遇緣爲魔所折困惜哉陰

有五種者能蓋覆真性滋發無明揔妄想爲其原  
也故色陰以堅固爲妄想受陰以虛明爲妄想想  
陰以融通爲妄想行陰以幽隱爲妄想識陰以罔  
象虛無顛倒爲妄想於奢摩他中不明諸魔所入  
如認賊爲子故曰洗心非正

又復於中得少爲足如第四禪無聞比丘妄言證聖  
天報已畢衰相現前謗阿羅漢身遭後有墮阿鼻獄  
汝應諦聽吾今爲汝子細分別阿難起立并其會中  
同有學者歡喜頂禮伏聽慈誨佛告阿難及諸大衆  
汝等當知有漏世界十二類生本覺妙明覺圓心體



與十方佛無二無別由汝妄想迷理爲咎癡愛發生  
生發徧迷故有空性化迷不息有世界生則此十方  
微塵國土非無漏者皆是迷頑妄想安立當知虛空  
生汝心內猶如片雲點太清裏況諸世界在虛空耶  
汝等一人發真歸元此十方空皆悉消殞云何空中  
所有國土而不振裂汝輩修禪飾三摩地十方菩薩  
及諸無漏大阿羅漢心精通溜當處湛然一切魔王  
及與鬼神諸凡夫天見其宮殿無故崩裂大地振圻  
水陸飛騰無不驚懼凡夫昏暗不覺遷訛彼等咸得  
五種神通唯除漏盡戀此塵勞如何令汝摧裂其處

是故鬼神及諸天魔魍魎妖精於三昧時僉來惱汝  
然彼諸魔雖有大怒彼塵勞內汝妙覺中如風吹光  
如刀斷水了不相觸汝如沸湯彼如堅水煖氣漸隣  
不日銷殞徒恃神力但爲其客成就破亂由汝心中  
五陰主人主人若迷客得其便當處禪那覺悟無惑  
則彼魔事無奈汝何陰消入明則彼羣邪咸受幽氣  
明能破暗近自消殞如何敢留擾亂禪定若不明悟  
被陰所迷則汝阿難必爲魔子成就魔人如魔登伽  
殊爲眇劣彼唯呪汝破佛律儀八萬行中只毀一戒  
心清淨故尚未淪溺此乃隳汝寶覺全身如宰臣家

忽逢籍沒宛轉零落無可哀救

論曰無聞比丘以精勤不息自初禪至四禪已離  
八灾患謂已證阿羅漢果矣更不修進及於化時  
四禪中陰乃見尚有生故忽然起謗遂成邪見天  
中陰滅墮於惡趣中故曰得少爲足也世尊以此  
會緣阿難故宣示深奧尚念後世墮少聞障故重  
說五陰各各自羸至細殞滅之時有十境界譬如  
慈母扶女登車渠渠勸誡防其失而懸憂之問  
曰一人發真歸元十方虛空皆悉銷殞我自可也  
而曰一切魔王及與鬼神諸凡夫天見其宮殿無

故崩裂何也曰凡曰本無今有者便不可信何以  
故是假法故假法依情情以計而有如水中之月  
非眼處收意計爲有故若悟三界唯心但一寂滅  
寂滅之中容有魔王鬼神凡夫天類譬如燄爐之  
內有一縷線故曰云何空中所有國土而不振裂  
補曰當知虛空生汝心內猶如片雲點太清裏卽  
空生大覺中如海一漚發也況諸世界在虛空耶  
卽迷妄有虛空依空立世界也汝等一人發真歸  
元此十方空皆悉銷殞卽漚滅空本無況復諸三  
有也



阿難當知汝坐道場銷落諸念其念若盡則諸離念  
一切精明動靜不移憶忘如一當住此處入三摩提  
如明目人處大幽暗精性妙淨心未發光此則名爲  
色陰區宇若目明朗十方洞開無復幽黯名色陰盡  
是人則能超越劫濁觀其所由堅固妄想以爲其本  
阿難當在此中精研妙明四大不織少選之間身能  
出礙此名精明流溢前境斯但功用暫得如是非爲  
聖證不作聖心名善境界若作聖解卽受羣邪阿難  
復以此心精研妙明其身內徹是人忽然於其身內  
拾出蛻蚬身相宛然亦無傷毀此名精明流溢形體

斯但精行暫得如是非爲聖證不作聖心名善境界  
若作聖解卽受羣邪又以此心內外精研其時魂魄  
意志精神除執受身餘皆涉入互爲賓主忽於空中  
聞說法聲或聞十方同敷密義此名精魄遞相離合  
成就善種暫得如是非爲聖證不作聖心名善境界  
若作聖解卽受羣邪又以此心澄露皎徹內外發明  
十方徧作閻浮檀色一切種類化爲如來于時忽見  
毘盧遮那踞天光臺千佛圍繞百億國土及與蓮華  
俱時出現此名心魂靈悟所染心光研明照諸世界  
暫得如是非爲聖證不作聖心名善境界若作聖解

即受羣邪又以此心精研妙明觀察不停抑按降伏  
制止超越於時忽然十方虛空成七寶色或百寶色  
同時徧滿不留礙青黃赤白各各純現此名抑按  
功力逾分暫得如是非爲聖證不作聖心名善境界  
若作聖解即受羣邪又以此心研究澄澈精光不亂  
忽於夜合在暗室內見種種物不殊白晝而暗室物  
亦不除滅此名心細密澄其見所視洞幽暫得如是  
非爲聖證不作聖心名善境界若作聖解即受羣邪  
又以此心圓入虛融四肢忽然同於草木火燒刀斫  
曾無所覺又則火光不能燒爇縱割其肉猶如屑木

此名塵併排四大性一向入純暫得如是非爲聖證  
不作聖心名善境界若作聖解即受羣邪又以此心  
成就清淨淨心功極忽見大地十方山河皆成佛國  
具足七寶光明徧滿又見恒沙諸佛如來徧滿空界  
樓殿華麗下見地獄上觀天宮得無障礙此名欣厭  
凝想日深想久化成非爲聖證不作聖心名善境界  
若作聖解即受羣邪又以此心研究深遠忽於中夜  
遙見遠方市井街巷親族眷屬或聞其語此名追心  
逼極飛出故多隔見非爲聖證不作聖心名善境界  
若作聖解即受羣邪又以此心研究精極見善知識



形體變移少選無端種種遷改此名邪心含受魘魅  
或遭天魔入其心腹無端說法通達妙義非爲聖證  
不作聖心魔事銷歇若作聖解卽受羣邪阿難如是  
十種禪那現境皆是色陰用心交互故現斯事衆生  
頑迷不自忖量逢此因緣迷不自識謂言登聖大妄  
語成墮無間獄汝等當依如來滅後於末法中宣示  
斯義無令天魔得其方便保持覆護成無上道

補曰諸魔依妄想而住陰屬想也想滅陰消魔自  
潛伏陰存想在魔得伺其隙矣入三摩提者要在  
不迷五陰主人而親識主人面目知主人住處若

識其面目知其住處魔將何所施力豈待煖氣漸  
隣始能消殞耶世尊謂慶喜曰若不識知心目所  
在則不能得降伏塵勞是已故古之宗師常自召  
曰主人翁復自應之曰諾又曰惺惺者他時後日  
莫受人瞞嗚呼此其可謂真知真識者也倘未能  
真知真識遇禪那現境當遵如來警誨不作聖證  
則庶幾矣入此色陰則銷落諸念動靜不移如明  
目人處大幽暗以心未發光也於四大不織則身  
能出礙故流溢前境其身內徹則身相宛然故流  
溢形體內外精研則互爲賓主故遞相離合澄露

皎徹則照諸世界故靈悟所染觀察不停則功力  
逾分故不残留礙精光不亂則密澄其見故所視  
洞幽圓入虛融則排四大性故曾無所覺靜心功  
極則得無障礙故凝想日深研究深遠則逼極飛  
出故多隔見研究精極則含受懸懸故無端說法  
也切濁依色陰而有此陰若盡則十方洞開非空  
見不分故能超之四岐集解作四體

阿難彼善男子修三摩提奢摩陀中色陰盡者見諸  
佛心如明鏡中顯現其像若有所得而未能用猶如  
魔人手足宛然見聞不惑心觸客邪而不能動此則

名爲受陰區宇若魔咎歇其心離身返觀其面去住  
自由無復留礙名受陰盡是人則能超越見濁觀其  
所由虛明妄想以爲其本阿難彼善男子當在此中  
得大光曜其心發明內抑過分忽於其處發無窮悲  
如是乃至觀見蚊蚋猶如赤子心生隣愍不覺流淚  
此名功用抑摧過越悟則無咎非爲聖證覺了不迷  
又自銷歇若作聖解則有悲魔入其心腑見人則悲  
啼泣無限失於正受當從淪墜阿難又彼定中諸善  
男子見色陰消受陰明白勝相現前感激過分忽於  
其中生無限勇其心猛利志齊諸佛謂三僧祇一念



能越此名功用陵率過越悟則無咎非爲聖證覺了  
不迷又自銷歇若作聖解則有狂魔入其心腑見人  
則誇我慢無比其心乃至上不見佛下不見人失於  
正受當從淪墜又彼定中諸善男子見色陰銷受陰  
明白前無新證歸失故居智力衰微入中墮地迥無  
所見心中忽然生大枯渴於一切時沈憶不散將此  
以爲勤精進相此名修心無慧自失悟則無咎非爲  
聖證若作聖解則有憶魔入其心腑旦夕撮心懸在  
一處失於正受當從淪墜又彼定中諸善男子見色  
陰銷受色明白慧力過定失於猛利以諸勝性懷於

心中自心已疑是盧舍那得少爲足此名用心亡失  
恒審溺於知見悟則無咎非爲聖證若作聖解則有  
下劣易知足魔入其心腑見人自言我得無上第一  
義諦失於正受當從淪墜又彼定中諸善男子見色  
陰消受陰明白新證未獲故心已亡歷覽二際自生  
艱險於心忽然生無盡憂如坐鐵床如飲毒藥心不  
欲活常求於人令害其命早取解脫此名修行失於  
方便憍期無咎非爲聖證若作聖解則有一分常憂  
愁魔入其心腑手執刀劍自割其肉欣其捨壽或常  
憂愁走入山林不耐見人失於正受當從淪墜又彼

定中諸善男子見色陰銷受陰明白處清淨中心安  
隱後忽然自有無限喜生心中歡悅不能自止此名  
輕安無慧自禁悟則無咎非為聖證若作聖解則有  
一分好喜悅魔入其心腑見人則笑於衢路傍自歌  
自舞自謂已得無礙解脫失於正受當從淪墜又彼  
定中諸善男子見色陰銷受陰明白自謂已足忽有  
無端大我慢起如是乃至慢與過慢及慢過慢或增  
上慢或卑劣慢一時俱發心中尚輕十方如來何況  
下位聲聞緣覺此名見勝無慧自救悟則無咎非為  
聖證若作聖解則有一分大我慢魔入其心腑不禮

塔廟摧毀經像謂檀越言此是金銅或是土木經是  
樹葉或是疊華肉身真常不自恭敬却崇土木實為  
顛倒其深信者從其毀碎埋棄地中疑誤衆生入無  
間獄失於正受當從淪墜又彼定中諸善男子見色  
陰銷受陰明白於精明中圓悟精理得大隨順其心  
忽生無量輕安已言成聖得大自在此名因慧獲諸  
輕清悟則無咎非為聖證若作聖解則有一分好輕  
清魔入其心腑自謂滿足更不求進此等多作無聞  
比丘疑誤衆生墮阿鼻獄失於正受當從淪墜又彼  
定中諸善男子見色陰消受陰明白於明悟中得虛



明性其中忽然歸向永滅撥無因果一向入空空心  
現前乃至心生長斷滅解悟則無咎非爲聖證若作  
聖解則有空魔入其心腑乃謗持戒名爲小乘菩薩  
悟空有何持犯其人常於信心檀越飲酒噉肉廣行  
婬穢因魔力故攝其前人不生疑謗鬼心久入或食  
屎尿與酒肉等一種俱空破佛律儀誤入人罪失於  
正受當從淪墜又彼定中諸善男子見色陰銷受陰  
明白味其虛明深入骨髓其心忽有無限愛生愛極  
發狂便爲貪欲此名定境安順入心無慧自持誤入  
諸欲悟則無咎非爲聖證若作聖解則有欲魔入其

心腑一向說欲爲菩提道化諸白水平等行欲其行  
婬者名持法子神鬼力故於末世中攝其凡愚其數  
至百如是乃至一百二百或五六百多滿千萬魔心  
生厭離其身體威德既無陷於王難疑誤衆生入無  
間獄失於正受當從淪墜阿難如是十種禪那現境  
皆是受陰用心交互故現斯事衆生頑迷不自付量  
逢此因緣迷不自識謂言登聖大妄語成墮無間獄  
汝等亦當將如來語於我滅後傳示末法徧令衆生  
開悟斯義無令天魔得其方便保持覆護成無上道  
補曰入此受陰見諸佛心如明鏡中像若有所得

而未能用故同魔人也得大光曜則無復留礙故  
發無窮悲勝相現前則生無限喜故陵幸過越智  
力衰微則生大枯渴故無慧自失慧力過定則得  
少爲足故汨於知見歷覽二際則生無盡憂故失  
於方便心安隱後則無限喜生故無慧自禁自謂  
已足則大我慢起故無慧自救圓悟精理則獲諸  
輕清故更不求進得虛明性則一向入空故長斷  
滅解味其虛明則無限愛生故誤入諸欲矣此受  
陰盡能離身及觀無復留礙故超見濁永明垂戒  
曰若見端正男女如死屍相似乃可行姪若割心

肝如木石相似乃可食肉若飲酒如屎尿相似乃  
可飲酒此亦方便語也以如來之言觀之正爲空  
魔所入噫嘻其可哉大股若經曰魔能入一切衆  
生心令歸依魔黨如膝如漆斷手截臂不以爲難  
魔力之故人皆信伏法華經曰深著虛妄法堅受  
不可捨乃謗持戒等也

阿難彼善男子修三摩提受陰盡者雖未漏盡心離  
其形如鳥出籠已能成就從是凡身上歷菩薩六十  
聖位得意生身隨往無礙

補曰結位文有三節於十回向後則曰盡是四十



一心次成四種妙圓加行於十地後則曰如是皆以三增進故善能成就五十五位真菩提路於受陰盡處則曰從是凡身上歷菩薩六十聖位得意生身隨往無礙愚始入衆讀是經至此竊自謂曰前之結文以軌慧十信十住十行十迴向爲四十有一次增四加行十地爲五十有五此必以三增進等妙二覺爲六十也後讀集解見孤山所箋之語與愚所見若合符契知愚於過去世中亦嘗精研之爾及讀無盡海眼且曰此一節是譯人之誤況無六十聖位之文而注釋者又從而牽合愈障

真理卽刪去已能成就隨往無礙二十四字不知此三增進在四種名誨之外冠初軌慧地之前別攝一類大根器凡夫故曰反流旋一六用不行又曰是人卽獲無生法忍於後復曰如是皆以三增進故善能成就五十五位真菩提路豈徒然哉旣曰從是凡身上歷菩薩六十聖位得非以三增進與夫等妙二覺合而結之乎若止立五十五位則等妙二覺其所歸雖地前皆屬賢位然此位非諸天外道所升之階乃三世如來所遊之徑故通稱爲聖蓋四十一心五十五位皆未至極果故不

該及今受陰盡如熟寐寢言將極聖位所以併結之也

譬如有人熟寐寢言是人雖則無別所知其言已成音韻倫次令不寐者咸悟其語此則名爲想陰區宇若動念盡浮想消除於覺明心如去塵垢一倫生歟首尾圓照名想陰盡是人則能超煩惱濁觀其所由融通妄想以爲其本阿難彼善男子受陰虛妙不遭邪慮圓定發明三摩地中心愛圓明銳其精思貪求善巧爾時天魔候得其便飛精附人口說經法其人

不覺是其魔著自言謂得無上涅槃來彼求巧善男

子處敷座說法其形斯須成作比丘令彼人見或爲帝釋或爲婦女或比丘尼或寢暗室身有光明是人愚迷惑爲菩薩信其教化搖蕩其心破佛律儀潛行貪欲口中好言災祥變異或言如來某處出世或言劫火或說刀兵恐怖於人令其家資無故耗散此名恠鬼年老成魔惱亂是人厭足心生去彼人體弟子與師俱陷王難汝當先覺不入輪迴迷惑不知墮無間獄阿難又善男子受陰虛妙不遭邪慮圓定發明三摩地中心愛遊蕩飛其精思貪求經歷爾時天魔候得其便飛精附人口說經法其人亦不覺知魔著



亦言自得無上涅槃來彼求遊善男子處敷座說法  
自形無變其聽法者忽自見身坐寶蓮華全體化成  
紫金光聚一衆聽人各各如是得未曾有是人愚迷  
惑爲菩薩婬逸其心破佛律儀潛行貪欲口中好言  
諸佛應世某處某人當是某佛化身來此某人卽是  
某菩薩等來化人間其人見故心生傾渴邪見密與  
種智銷滅此名魅鬼年老成魔惱亂是人厭足心生  
去彼人體弟子與師俱陷王難汝當先覺不入輪迴  
迷惑不知墮無間獄又善男子受陰虛妙不遭邪慮  
圓定發明三摩地中心愛懸溜澄其精思貪求契合

爾時天魔候得其便飛精附人口說經法其人實不  
覺知魔著亦言自得無上涅槃來彼求合善男子處  
敷座說法其形及彼聽法之人外無遷變令其聽者  
未聞法前心自開悟念念移易或得宿命或有他心  
或見地獄或知人間好惡諸事或口說偈或自誦經  
各各歡娛得未曾有是人愚迷惑爲菩薩懸愛其心  
破佛律儀潛行貪欲口中好言佛有大小某佛先佛  
某佛後佛其中亦有真佛假佛男佛女佛菩薩亦然  
其人見故洗滌本心易入邪悟此名魅鬼年老成魔  
惱亂是人厭足心生去彼人體弟子與師俱陷王難

汝當先覺不入輪迴迷惑不知隨無間獄又善男子  
受陰虛妙不遭邪慮圓定發明三摩地中心愛根本  
窮覽物化性之終始精爽其心貪求辨析爾時天魔  
候得其便飛精附人口說經法其人先不覺知魔著  
亦言自得無上涅槃來彼求元善男子處敷座說法  
身有威神摧伏求者令其座下雖未聞法自然心伏  
是諸人等將佛涅槃菩提法身卽是現前我肉身上  
父父子子遞代相生卽是法身常住不絕都指現在  
卽爲佛國無別淨居及金色相其人信受亡失先心  
身命歸依得未曾有是等愚迷惑爲菩薩推究其心

破佛律儀潛行貪欲口中好言眼耳鼻舌皆爲淨土  
男女二根卽是菩提涅槃真處彼無知者信是穢言  
此名蠱毒癩勝惡鬼年老成魔惱亂是人厭足心生  
去彼人體弟子與師俱陷王難汝當先覺不入輪迴  
迷惑不知墮無間獄又善男子受陰虛妙不遭邪慮  
圓定發明三摩地中心愛懸應周流精研貪求冥感  
爾時天魔候得其便飛精附人口說經法其人元不  
覺知魔著亦言自得無上涅槃來彼求應善男子處  
敷座說法能令聽衆暫見其身如百千歲心生愛染  
不能捨離身爲奴僕四事供養不覺疲勞各各令其



座下人心知是先師本善知識別生法愛黏如膠膝  
得未曾有是人愚迷惑爲菩薩親近其心破佛律儀  
潛行貪欲口中好言我於前世於某生中先度某人  
當時是我妻妾兄弟今來相度與汝相隨歸某世界  
供養某佛或言別有大光明天佛於中住一切如來  
所休居地彼無知者信是虛誑遺失本心此名癘鬼  
年老成癘惱亂是人厭足心生去彼人體弟子與師  
俱陷王難汝當先覺不入輪迴迷惑不知墮無間獄  
又善男子受陰虛妙不遭邪慮圓定發明三摩地中  
心愛深入克已辛勤樂處陰寂貪求靜謐爾時天魔

候得其便飛精附人口說經法其人本不覺知魔著  
亦言自得無上涅槃來彼求陰善男子處敷座說法  
令其聽人各知本業或於其處語一人言汝今未死  
已作畜生勅使一人於後踏尾頓令其人起不能得  
於是一衆傾心欽服有人起心已知其肇佛律儀外  
重加精苦誹謗比丘罵詈徒衆許露人事不避讖嫌  
口中好言未然禍福及至其時毫髮無失此大力鬼  
年老成癘惱亂是人厭足心生去彼人體弟子與師  
俱陷王難汝當先覺不入輪迴迷惑不知墮無間獄  
又善男子受陰虛妙不遭邪慮圓定發明三摩地中

心愛知見勤苦研尋貪求宿命爾時天魔候得其便  
飛精附人口說經法其人殊不覺知魔著亦言自得  
無上涅槃來彼求知善男子處敷座說法是人無端  
於說法處得大寶珠其魔或時化爲畜生口銜其珠  
及雜瓊寶簡策符牘諸奇異物先授彼人後著其體  
或誘聽人藏於地下有明月珠照耀其處是諸聽者  
得未曾有多食藥草不餐嘉饌或時日餐一麻一麥  
其形肥充魔力持故誹謗比丘罵詈徒衆不避譏嫌  
口中好言他方寶藏十方聖賢潛匿之處隨其後者  
往往見有奇異之人此名山山林土地城隍川嶽鬼神

年老成魔或有宣姪破佛戒律與承事者潛行五欲  
或有精進純食草木無定行事惱亂是人厭足心生  
去彼人體弟子與師多陷王難汝當先覺不入輪迴  
迷惑不知墮無間獄又善男子受陰虛妙不遭邪慮  
圓定發明三摩地中心愛神通種種變化研究化元  
貪取神力爾時天魔候得其便飛精附人口說經法  
其人誠不覺知魔著亦言自得無上涅槃來彼求通  
善男子處敷座說法是人或復手執火光手撮其光  
分於所聽四衆頭上是諸聽人頂上火光皆長數尺  
亦無熱性曾不焚燒或水上行如履平地或於空中



安座不動或入瓶內或處囊中越牖透垣曾無障礙  
唯於刀兵不得自在自言是佛身著白衣受比丘禮  
誹謗禪律罵詈徒衆許露人事不避譏嫌口中常說  
神通自在或復令人俯見佛土鬼力惑人非有真實  
讚歎行姪不毀羸行將諸猥媠以爲傳法此名天地  
大力山精海精風精河精土精一切草木積劫精魅  
或復龍魅或壽終仙再活爲魅或仙期終計年應成  
其形不化他恠所附年老成魔惱亂是人厭足心生  
去彼人體弟子與師多陷王難汝當先覺不入輪廻  
迷惑不知墮無間獄又善男子受陰虛妙不遭邪慮

圓定發明三摩地中心愛入滅研究化性貪求深空  
爾時天魔候得其便飛精附人口說經法其人終不  
覺知魔著亦言自得無上涅槃來彼求空善男子處  
敷座說法於大衆內其形忽空衆無所見還從虛空  
突然而出存沒自在或現其身洞如琉璃或垂手足  
作栴檀氣或大小便厚如石蜜誹謗戒律輕賤出家  
口中常說無因無果一滅永滅無復後身及諸凡聖  
雖得空寂潛行貪欲受其欲者亦得空心撥無因果  
此名日月薄蝕精氣金玉芝草麟鳳龜鶴經千萬年  
不滅爲靈出生國土年老成魔惱亂是人厭足心生

去彼人體弟子與師多陷王難汝當先覺不入輪廻  
迷惑不知墮無間獄又善男子受陰虛妙不遭邪慮  
圓定發明三摩地中心愛長壽幸苦研幾貪求永歲  
棄分段生頓希變易細相常住爾時天魔候得其便  
飛精附人口說經法其人竟不覺知魔著亦言自得  
無上涅槃來彼求生善男子處敷座說法好言他方  
往還無滯或經萬里瞬息再來皆於彼方取得其物  
或於一處在一宅中數步之間令其從東詣至西壁  
是人急行累年不到因此心信疑佛現前口中常說  
十方衆生皆是吾子我生諸佛我出世界我是元佛

出世自然不因修得此名住世自在天魔使其眷屬  
如遮文荼及四天王毘舍童子未發心者利其虛明  
食彼精氣或不因師其修行人親自觀見稱執金剛  
與汝長命現美女身盛行貪欲未逾年歲肝腦枯竭  
口兼獨言聽若妖魅前人未詳多陷王難未及遇刑  
先已乾灰惱亂彼人以至殂殞汝當先覺不入輪廻  
迷惑不知墮無間獄阿難當知是十種魔於末世時  
在我法中出家修道或附人體或自現形皆言已成  
正徧知覺讚歎姪欲破佛律儀先惡魔師與魔弟子  
姪姪相傳如是邪精魅其心腑近則九生多踰百世



令真修行總爲魔眷命終之後必爲魔民失正徧知  
墮無間獄汝今未須先取寂滅縱得無學留願入彼  
末法之中起大慈悲救度正心深信衆生令不魔著  
得正知見我今度汝已出生死汝遵佛語名報佛恩  
阿難如是十種禪那現境皆是想陰用心交互故現  
斯事衆生頑迷不自忖量逢此因緣迷不自識謂言  
登聖大妄語成墮無間獄汝等必須將如來語於我  
滅後傳示末法徧令衆生開悟斯義無令天魔得其  
方便保持覆護成無上道

論曰慢有七種於此言六何也曰慢不敬也所謂

慢過慢慢過慢我慢增上慢下劣慢邪慢也過慢  
者謂已過彼起慢故慢過慢兼二慢既不敬又作  
意凌之故我慢計蘊有我以我慢彼故增上慢謂  
已增上故卑劣慢慢尊勝者故邪慢慢正故以於  
定中緣持正法故不言邪慢也又問曰何謂意生  
身曰入楞伽經曰意生身者喻意去速疾無礙自  
初地至十地有三種意生身隨往無礙然此心離  
身卽意生因也陀羅尼集經有遮文茶天遮文茶  
毘舍童子皆食精氣者也 補曰入此想陰能心  
離其形則得意生身如寐言耳謂人已知其必能

上歷聖位與所言已成音韻倫次咸悟其語者同也而於心愛圓明則銳其精思故貪求善巧心愛遊蕩則飛其精思故貪求經歷心愛綿涖則澄其精思故貪求契合心愛根本則窮其物化故貪求辨析心愛懸應則周流精研故貪求冥感心愛深入則克已辛勤故貪求靜謐心愛知見則勤苦研尋故貪求宿命心愛神通則研究化元故貪取神力心愛入滅則研究化性故貪求深空心愛長壽則辛苦研幾故貪求永歲也然此十種發明境中唯在不迷以至先覺則無咎此陰若盡於覺明心

如去塵垢故能超煩惱濁昔長盧祖照和禪師於定中所見數十里內之事而人未嘗有知之者後以莊僧聞過故出揚于外師卽入圓寂又道場顏禪師有僧冥坐於祖閣光焰透戶師聞而曳杖往扣之僧舉目師徑以杖擊逐之出寺夫以祖照之不泄外道場之不惑衆也如是今而靜勝工夫尚未臻於古人之域汲汲然唯患人之不已知也蓋弟子與師所謂俱陷王難者有之矣悲夫

大佛頂如來密因修證了義諸菩薩萬行首楞嚴經

合論卷第九



音切

勗

許玉切

括

聒切

奕

而亮切

縊

莫音

膜

莫音

溜

黠

乙減切

蝮

餓切

隙

絢切

龐

於琰切

中

同墮切

寢

音畏鳥罪

媒

洩音

薄

音博

蝕

音博

以茲辭聞嚴姑出過千快禪噴人圓寂又敢悲願  
室中器具幾十里內之事而人未嘗有味之者豈  
咬去壘誰姑猶踐跡繼繼昔其靈照照味顯顯伏

大佛頂如來密因修證了義諸菩薩萬行首楞嚴經  
合論卷第十

阿難彼善男子修三摩提想陰盡者是人平常夢想  
銷滅寤寐恒一覺明虛靜猶如晴空無復纒重前塵  
影事觀諸世間大地山河如鏡鑒明來無所黏過無  
蹤迹虛受照應了罔陳習唯一精真生滅根元從此  
披露見諸十方十二衆生畢殫其類雖未通其各命  
由緒見同生基猶如野馬熠熠清擾爲浮根塵究竟  
樞穴此則名爲行陰區宇

補曰經起前文蓋此之想陰若存寤則取像寐則

成夢此想陰若盡雖有寤寐而無夢想故曰寤寐  
恒一自了罔陳習已下方敘行陰之狀殫盡也謂  
生滅根元既爾披露無不見彼十二種類俱從行  
陰生起故曰見同生基野馬者遊埃也熠熠者螢  
光也謂行陰微細遷流如日光所照隙塵熠熠然  
了無住相故曰熠熠清擾等也

若此清擾熠熠元性性入元澄一澄元習如波瀾滅  
化爲澄水名行陰盡是人則能超衆生濁觀其所由  
幽隱妄想以爲其本阿難當知是得正知奢摩陀中  
諸善男子疑明正心十類天魔不得其便方得精研

窮生類本於本類中生元露者觀彼幽清圓擾動元  
於圓元中起計度者是人墜入二無因論一者是人  
見本無因何以故是人既得生機全破乘于眼根入  
百功德見八萬劫所有衆生業流灣環於此生彼只  
見衆生輪迴其處八萬劫外冥無所觀便作是解此  
等世間十方衆生八萬劫來無因自有由此計度亡  
正徧知墮落外道惑菩提性二者是人見末無因何  
以故是人於生既見其根知人生人悟鳥生鳥鳥從  
來黑鵠從來白人天本豎畜生本橫白非洗成黑非  
染造從八萬劫無復改移今盡此形亦復如是而我



本來不見菩提云何更有成菩提事當知今日一切  
物象皆本無因此計度亡正徧知墮落外道惑菩  
提性是則名爲第一外道立無因論阿難是三摩中  
諸善男子疑明正心魔不得便窮生類本觀彼幽清  
常擾動元於圓常中起計度者是人墜入四徧常論  
一者是人窮心境性二處無因修習能知二萬劫中  
十方衆生所有生滅咸皆循環不曾散失計以爲常  
二者是人窮四大元四性常住修習能知四萬劫中  
十方衆生所有生滅咸皆體恒不曾散失計以爲常  
三者是人窮盡六根末那執受以意識中本元由處  
性常恒故修習能知八萬劫中一切衆生循環不失  
本來常住窮不失性計以爲常

補曰末那具云訖利瑟吒耶末那此云染汙執受  
卽第八識淨覺曰八識微細唯佛與八地菩薩知  
之今是人頓窮八識於行陰本元由處微細生滅  
認以爲常非謂定中已見第八也

四者是人旣盡想元生理更無流止運轉生滅想心  
今已永滅理中自然成不生滅因心所度計以爲常  
由此計常亡正徧知墮落外道惑菩提性是則名爲  
第二外道立圓常論又三摩中諸善男子堅擬正心

魔不得便窮生類本觀彼幽清常擾動元於自他中  
起計度者是人墜入四顛倒見一分無常一分常論  
一者是人觀妙明心徧十方界湛然以爲究竟神我  
從是則計我徧十方凝明不動一切衆生於我心中  
自生自歿則我心性名之爲常彼生滅者真無常性  
二者是人不觀其心徧觀十方恒沙國土見劫壞處  
名爲究竟無常種性却不壞處名究竟常三者是人  
別觀我心精細微密猶如微塵流轉十方性無移改  
能令此身卽生卽滅其不壞性名我性常一切成生  
從我流出名無常性四者是人知想陰盡見行陰流

行陰常流計爲常性色受想等今已滅盡名爲無常  
由此計度一分無常一分常故墮落外道惑菩提性  
是則名爲第三外道一分常論又三摩中諸善男子  
堅凝正心魔不得便窮生類本觀彼幽清常擾動元  
於分位中生計度者是人墜入四有邊論一者是人  
心計生元流用不息計過未者名爲有邊計相續心  
名爲無邊二者是人觀八萬劫則見衆生八萬劫前  
寂無聞見無聞見處名爲無邊有衆生處名爲有邊  
三者是人計我徧知得無邊性彼一切人現我知中  
我曾不知彼之知性名彼不得無邊之心但有邊性



四者是人窮行陰空以其所見心路籌度一切衆生  
一身之中計其咸皆半生半滅明其世界一切所有  
一半有邊一半無邊由此計度有邊無邊墮落外道  
惑菩提性是則名爲第四外道立有邊論又三摩中  
諸善男子堅疑正心魔不得便窮生類本觀彼幽清  
常擾動元於知見中生計度者是人墜入四種顛倒  
不殊矯亂徧計虛論一者是人觀變化元見遷流處  
名之爲變見相續處名之爲恒見所見處名之爲生  
不見見處名之爲滅相續之因性不斷處名之爲增  
正相續中所離處名之爲減各各生處名之爲有

互互亡處名之爲無以理都觀用心別見有求法人  
來問其義荅言我今亦生亦滅亦有亦無亦增亦減  
於一切時皆亂其語令彼前人遺失章句二者是人  
諦觀其心互互無處因無得證有人來問唯荅一字  
但言其無除無之餘無所言說三者是人諦觀其心  
各各有處因有得證有人來問唯荅一字但言其是  
除是之餘無所言說四者是人無俱見其境枝故  
其心亦亂有人來問荅言亦有卽是亦無亦無之中  
不是亦有一切矯亂無容窮詰由此計度矯亂虛無  
墮落外道惑菩提性是則名爲第五外道四顛倒性

不歎矯亂徧計虛論又三摩中諸善男子堅凝正心  
魔不得便窮生類本觀彼幽清常擾動元於無盡流  
生計度者是人墜入歎後有相發心顛倒或自固身  
云色是我或見我圓含徧國土云我有色或彼前緣  
隨我廻復云色屬我或復我依行中相續云我在色  
皆計度言歎後有相如是循環有十六相從此或計  
畢竟煩惱畢竟菩提兩性並驅各不相觸由此計度  
死後有故墮落外道惑菩提性是則名爲第六外道  
立五陰中歎後有相心顛倒論又三摩中諸善男子  
堅凝正心摩不得便窮生類本觀彼幽清常擾動元

於先除滅色受想中生計度者是人墜入歎後無相  
發心顛倒見其色滅形無所因觀其想滅心無所繫  
知其受滅無復連綴陰性銷散縱有生理而無受想  
與草木同此質現前猶不可得歎後云何更有諸相  
因之勘校歎後相無如是循環有八無相從此或計  
涅槃因果一切皆空徒有名字究竟斷滅由此計度  
歎後無故墮落外道惑菩提性是則名爲第七外道  
立五陰中死後無相心顛倒論又三摩中諸善男子  
堅凝正心魔不得便窮生類本觀彼幽清常擾動元  
於行存中兼受想滅雙計有無自體相破是人墜入



又十層論卷一  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

或後俱非起顛倒論色受想中見有非有行遷流內  
觀無不無如是循環窮盡陰界八俱非相隨得一緣  
皆言或後有相無相又計諸行性遷訛故心發通悟  
有無俱非虛實失措由此計度或後俱非後際昏瞶  
無可道故墮落外道惑菩提性是則名為第八外道  
立五陰中或後俱非心顛倒論又三摩中諸善男子  
堅凝正心摩不得便窮生類本觀彼幽清常擾動元  
於後後無生計度者是人墜入七斷滅論或計身滅  
或欲盡滅或苦盡滅或極樂滅或極捨滅如是循環  
窮盡七際現前銷滅滅已無復由此計度或後斷滅

墮落外道惑菩提性是則名為第九外道立五陰中  
或後斷滅心顛倒論

論曰立論以為七趣後皆斷滅身欲界人天也欲  
盡是初禪也苦盡是二禪也極樂是三禪也極捨  
是四禪及無色也而於此言五事滅者身滅兼人  
天二種極捨兼四禪無色二種也

又三摩中諸善男子堅凝正心摩不得便窮生類本  
觀彼幽清常擾動元於後後有生計度者是人墜入  
五涅槃論或以欲界為正轉依觀見圓明生愛慕故  
或以初禪性無憂故或以二禪心無苦故或以三禪

極悅隨故或以四禪苦樂二亡不受輪迴生滅性故  
迷有漏天作無爲解五處安隱爲勝淨依如是循環  
五處究竟由此計度五現涅槃墮落外道惑菩提性  
是則名爲第十外道立五陰中五現涅槃心顛倒論  
阿難如是十種禪那狂解皆是行陰用心交互故現  
斯悟衆生頑迷不自忖量逢此現前以迷爲解自言  
登聖大妄語成墮無間獄

補曰入此行陰唯一精明而已雖衆魔不得其便  
然於疑明中起計度者則墜入二種無因四種徧  
常於堅凝中起計度者則墜入四顛倒四有邊四

徧計四有相四無相四俱非七斷滅五涅槃皆爲  
外道論也此陰若盡如波瀾滅化爲澄水故能超  
衆生濁無盡曰有漏執身不行婬欲卽爲人天窮  
行陰空邪慧陵率諸過不禁淪墮必矣故古德云  
鈍鳥離巢易靈龜脫殼難

汝等必須將如來語於我滅後傳示末法徧令衆生  
覺了斯義無令心魔自起深孽保持覆護消息邪見  
教其身心開覺真義於無上道不遭歧岐勿令心祈  
得少爲足作大覺王清淨標指阿難彼善男子修三  
摩提行陰盡者諸世間性幽清擾動同分生機倏然



彌裂沈細綱紐補特伽羅酬業深脉感應懸絕

補曰諸世間性者卽十二類生滅性也幽清擾動者卽煩濁乍澄擾而復動也同分生機者卽同諸類分劑生滅機也行陰旣盡則幽清同分等相自然隨破沈細者乃指行陰生滅之原如綱之綱衣之紐故長水以綱紐爲業因伽羅爲果報業因亡則孰爲引果果報息則誰是能酬因果旣亡故絕深脉

於涅槃天將大明悟如鷄後鳴瞻顧東方已有精色六根虛靜無復馳逸內外湛明入無所入深達十方十二種類受命元由觀由執元諸類不召於十方界已獲其同精色不沈發現幽秘此則名爲識陰區宇若於羣召已獲同中銷磨六門合開成就見聞通隣互用清淨十方世界及與身心如吠瑠璃內外明徹名識陰盡

補曰入此識陰則六根虛靜無復馳逸故能深達十方十二種類受命元由夫十方依正皆識所現觀其受命之由所執之元於無同異中熾然成異今獲同中此旣無從彼自不召謂之還元則萬法唯心唯識而自己精色光明發現何幽不燭然尚

留識陰區宇若於諸類不召已獲同中更能銷磨  
六門等互用清淨到此識陰始盡唯一覺體而已  
故如吠琉璃也藏經音義曰吠琉璃寶名此寶青  
色其體堅甚一切寶刀皆不可壞亦非煙焰所能  
鑄鑿唯鬼神有神通力者能攻之爲器也一云金  
翅鳥矧翳大般若經曰安住布施波羅蜜多或化  
世界如吠琉璃

是人則能超越命濁觀其所由罔象虛無顛倒妄想  
以爲其本

補曰無盡曰古師以命煖識三俱特而轉本識既

離命煖隨亡故超命濁此則識謝命終與歿何異  
蓋命者識陰微細不斷猶如命根今既全破隳裂  
六門開闔身心明徹故越命濁也若謂命煖隨亡  
下文不應云能令已身根隔合開

阿難當知是善男子窮諸行空於識還元已滅生滅  
而於寂滅精妙未圓能令已身根隔合開亦與十方  
諸類通覺覺知通洳能入圓元若於所歸立真常因  
生勝解者是人則墮因所因執娑毘迦羅所歸冥諦  
成其伴侶迷佛菩提亡失知見是名第一立所得心  
成所歸果違遠圓通背涅槃城生外道種阿難又善



男子窮諸行空已滅生滅而於寂滅精妙未圓若於所歸覽爲自體盡虛空界十二類內所有衆生皆我身中一類流出生勝解者是人則墮能非能執摩醯首羅現無邊身成其伴侶迷佛菩提亡失知見是名第二立能爲心成能事果違遠圓通背涅槃城生大慢天我徧圓種又善男子窮諸行空已滅生滅而於寂滅精妙未圓若於所歸有所歸依自疑身心從彼流出十方虛空咸其生起卽於都起所宣流地作真常身無生滅解在生滅中早計常住旣惑不生亦迷生滅安住沈迷生勝解者是人則墮常非常執計自

在天成其伴侶迷佛菩提亡失知見是名第三立因依心成妄計果違遠圓通背涅槃城生倒圓種又善男子窮諸行空已滅生滅而於寂滅精妙未圓若於所知知徧圓故因知立解十方草木皆稱有情與人無異草木爲人人歎還成十方草樹無擇徧知生勝解者是人則墮知無知執婆吒霰尼執一切覺成其伴侶迷佛菩提亡失知見是名第四計圓知心成虛謬果違遠圓通背涅槃城生倒知種又善男子窮諸行空已滅生滅而於寂滅精妙未圓若於圓融根互用中已得隨順便於圓化一切發生求火光明樂水

清淨愛風周流觀塵成就各各崇事以此羣塵發作  
本因立常住解是人則墮生無生執諸迦葉波并婆  
羅門勤心役身事火崇水求生成其伴侶迷佛  
菩提亡失知見是名第五計著崇事迷心從物立妄  
求因求妄冀果違遠園通背涅槃城生顛化種又善  
男子窮諸行空已滅生滅而於寂滅精妙未圓若於  
圓明計明中虛非滅羣化以永滅依爲所歸依生勝  
解者是人則墮歸無歸執無想天中諸舜若多成其  
伴侶迷佛菩提亡失知見是名第六圓虛無心成空  
亡果違遠圓通背涅槃城生斷滅種又善男子窮諸

行空已滅生滅而於寂滅精妙未圓若於圓常固身  
常住同于精圓長不傾逝生勝解者是人則墮貪非  
貪執諸阿斯陀求長命者成其伴侶迷佛菩提亡失  
知見是名第七執著命元立固妄因趣長勞果

補曰長水易勞作牢淨覺以其說爲得愚謂上句  
既有固字下句不應復有牢字也大意是證成立  
固妄之因不憚勤苦唯欲此身長不傾逝如瞻星  
禮月辟穀鍊形之誠吐故納新熊經鳥伸之習志  
在功成行滿振衣輕舉得非趣長勞之果乎

違遠圓通背涅槃城生妄延種又善男子窮諸行空



已滅生滅而於寂滅精妙未圓觀命互通却留塵勞  
恐其銷盡便於此際坐蓮華宮廣化七珎多增寶媛  
恣縱其心生勝解者

補曰長水曰觀識陰爲十二類衆生之命元我命  
通彼彼命通我故曰互通識陰若盡十方衆生命  
卽皆盡我命亦盡卽誰證真常理誰爲所化衆生  
徒有真常無證真者故留塵勞起諸欲境恣受欲  
樂圖命不滅俾要證真起用化物依此執計定無  
所移立此十爲勝解媛美女也

是人則墮真無真執吒枳迦羅成其伴侶迷佛菩提

三失知見是名第八發邪思因立熾塵果遠遠圓通  
背涅槃城生天魔種又善男子窮諸行空已滅生滅  
而於寂滅精妙未圓於明明中分別精麤疏決真僞  
因果相酬唯求感應背清淨道所謂見苦斷集證滅  
修道居滅已休更不前進生勝解者

補曰識陰露現故曰命明識既含藏漏無漏種今  
於此中分別泐擇苦集有漏名麤名僞道滅無漏  
名精名真擇去麤僞苦集而留精真道滅故曰分  
別精麤等修道爲感證滅爲應但取諸此故曰唯  
求本修圓觀法界平等離二邊垢名清淨道今發

小乘欣厭之解故曰背

是人則墮定性聲聞諸無聞僧增上慢者成其伴侶  
迷佛菩提亡失知見是名第九圓精應心成趣寂果  
違遠圓通背涅槃城生纏空種又善男子窮諸行空  
已滅生滅而於寂滅精妙未圓若於圓融清淨覺明  
發研深妙卽立涅槃而不前進生勝解者是人則墮  
定性辟支諸緣獨倫不廻心者成其伴侶迷佛菩提  
亡失知見是名第十圓覺溜心成湛明果違遠圓通  
背涅槃城生覺圓明不化圓種

補曰窮諸行空識雖還元於精妙未圓生勝解者

則墮外道之八執聲聞之背道緣覺之泯心不求  
升進八執者謂因所因執能非能執常非常執知  
無知執生無生執歸無歸執貪無貪執真無真執  
是矣其倒圓由妄計而成也倒知以虛謀爲證也  
纏空爲寂所縛也不化堅執不廻也無盡謂諸佛  
之不化者非也於行則言因於失則言果娑毘迦  
羅婆吒震尼二外道名阿斯陀此云長命

阿難如是十種禪那中途成狂因依迷惑於未足中  
生滿足證皆是識陰用心交互故生斯位衆生頑迷  
不自恃量逢此現前各以所愛先習迷心而自休息



將爲畢竟所歸寧地自言滿足無上菩提大妄語成  
外道邪魔所感業終墮無間獄聲聞緣覺不成增進  
汝等存心乘如來道將此法門於我滅後傳示末世  
普令衆生覺了斯義無令見魔自作深孽保綏哀救  
消息邪緣令其身心入佛知見從始成就不遭岐路  
如是法門先過去世恒沙劫中微塵如來乘此心開  
得無上道

補曰五陰中魔事各言十種者舉其大畧也推其  
所以皆由用心交互故起是深孽自非如來懸示  
後世令諸衆生覺了斯義至此勝妙境界其誰不  
爲魔外哉嗚呼前佛後佛法施之恩無大於此粉  
骨碎身未足酬誠如永嘉之言所謂生勝解者先  
德嘗曰纔有所重便成窠臼又曰但盡凡情別無  
勝解不出此也

識陰若盡則汝現前諸根互用從互用中能入菩薩  
金剛軋慧圓明精心於中發化如淨瑠璃內含寶月  
如是乃超十信十住十行十廻向四加行心菩薩所  
行金剛十地等覺圓明入於如來妙莊嚴海圓滿菩  
提歸無所得

補曰此一節文意乃顯識陰盡處諸根互用之功

力也謂五陰既盡能入菩薩初發大乘金剛般若  
圓明精心此心猶如金剛無有毀壞又能於中發  
化如淨瑠璃內含寶月是為一念不生前後際斷  
卽名為佛故不住外凡內凡等位直入如來妙莊  
嚴海圓滿菩提孤山嘗指金剛般若圓明精心為  
等覺之後心妙覺之無間道者誤矣自如是乃超  
至等覺圓明方為無間道也若以金剛般若為無  
間道則超之一字義將何歸瑠璃舉以為喻者凡  
四處初於三增進敘返流旋一六用不行則曰譬  
如瑠璃內懸明月此顯大心凡夫頓成圓觀也故

下文曰一切如來密圓淨妙皆現其中是人卽獲  
無生法忍次於住位之二敘圓成心中發明智體  
則曰如淨瑠璃內現精金此顯練修功力伏彼惑  
障也故下文曰以前妙心履以成地名治地住其  
次於識陰盡處敘見闡通隣互用清淨則曰如吠  
瑠璃內外明徹此顯虛明自照不假智力也故下  
文曰觀其所由罔象虛無以為其本又其次於此  
諸根互用敘圓明精心於中發化則曰如淨瑠璃  
內含寶月此顯從互用中直登妙覺解脫道也故  
下文曰如是乃超信住等位入於如來妙莊嚴海



益始則因中具果終則果中具因果德未彰但名之以月果德既彰故該之以寶餘可知也言金剛十地者寂音曰金剛以微細爲性能摧壞一切十地以壞障惑證真如故說十地者名金剛藏而其智名甚微細境界亦名甚微細也故曰金剛十地長水曰福足故名妙莊嚴海慧足故圓滿菩提理極故歸無所得

此是過去先佛世尊奢摩陀中毘婆舍那覺明分析微細魔事魔境現前汝能諳識心垢洗除不落邪見陰魔銷滅天魔摧碎大方鬼神褫魄逝逝魍魎魍魎

無復出生直至菩提無諸少乏下劣增進於大涅槃心不迷悶若諸末世愚鈍衆生未識禪那不知說法樂修三昧汝恐同邪一心勸令持我佛頂陀羅尼呪若未能誦寫於禪堂或帶身上一切諸魔所不能動汝當恭敬十方如來究竟修進最後垂範阿難卽從座起聞佛示誨頂禮欽奉憶持無失於大衆中重復白佛如佛所言五陰相中五種虛妄爲本想心我等平常未蒙如來微細開示又此五陰爲併銷除爲次第盡如是五重詣何爲界唯願如來發宣大慈爲此大衆清明心目以爲末世一切衆生作將來眼佛告

阿難精真妙明本覺圓淨非留成生及諸塵垢乃至  
虛空皆因妄想之所生起斯元本覺妙明真精妄以  
發生諸器世間如演若多迷頭認影妄元無因於妄  
想中立因緣性迷因緣者稱爲自然彼虛空性猶實  
幻生因緣自然皆是衆生妄心計度阿難知妄所起  
說妄因緣若妄元無說妄因緣元無所有何況不知  
推自然者是故如來與汝發明五陰本因同是妄想  
汝體先因父母想生汝心非想則不能來想中傳命  
補曰問曰何謂命曰命者依識而有故識動則想  
舉想舉則命立命立則氣隨氣隨則四大具所謂

命煖識三是已蓋識之動性爲想元也儒曰知命  
道曰復命此曰傳命然則學者當以何爲知何爲  
復何爲傳耶達此乃可入不生不滅之道

如我先言心想酢味口中涎生心想登高足心酸起  
懸崖不有酢物未來汝體必非虛妄通倫口水如何  
因談酢出是故當知汝現色身名爲堅固第一妄想  
卽此所說臨高想心能令汝形真受酸澁由因受生  
能動色體汝令現前順益違損二現驅馳名爲虛明  
第二妄想由汝念慮使汝色身身非念倫汝身何因  
隨念所使種種取像心生形取與念相應寤卽想心



寐爲諸夢則汝想念搖動妄情名爲融通第三妄想  
化理不住運運密移甲長髮生氣銷容皺日夜相代  
曾無覺悟阿難此若非汝云何體遷如必是真汝何  
無覺則汝諸行念念不停名爲幽隱第四妄想又汝  
精明湛不搖處名恒常者於身不出見聞覺知若實  
精真不容習妄何因汝等曾於昔年觀一奇物經歷  
年歲憶忘俱無於後忽然覆覩前異記憶宛然曾不  
違失則此精了湛不搖中念念受熏有何籌筭阿難  
當知此湛非真如急流水望如恬靜流急不見非是  
無流若非想元寧受妄習非汝六根互用開合此之

妄想無時得滅故汝現在見聞覺知中串習幾則湛  
了內罔象虛無第五顛倒微細精想阿難是五受陰  
五妄想成汝今欲知因界淺深唯色與空是色邊際  
唯觸及離是受邊際唯記與忘是想邊際唯滅與生  
是行邊際湛入合湛歸識邊際此五陰元重疊生起  
生因識有滅從色除理則頓悟乘悟併銷事非頓除  
因次第盡我已示汝劫波巾結何所不明再此詢問  
汝應將此妄想根元心得開通傳示將來末法之中  
諸修行者令識虛妄深厭自生知有涅槃不戀三界  
論曰雜莖有微塵數萬偈而棗栢攝取其要作十

二緣生論敘其因起則有十二種其實卽五種陰法也故世尊於此重敘之使知皆卽衆生念力所成耳念清淨則神通光明令凡實證念垢染則三界六道捨生趣入如前所示止觀二法澄鍊五陰則於內分獲六根功德則於外分超五濁惡世以定力精嚴則離五十種魔事義理粲然學者當深觀之 補曰前雖標陰皆屬想而未敘想之根元界之淺深故慶喜再陳請問世尊具答之也至第五湛不搖處則曰此湛非真如急流水望如恬靜流急不見若非想元寧受妄習非汝六根互用開

合此之妄想無時得滅方名顛倒微細精想學者至此宜頓悟此想爲陰元之本曰加觀照之力而併滅之譬如去草除根倘悟此不加觀照之力及所併滅與未悟同復何益哉故曰理則頓悟乘悟併銷卽前六解一忘之義也生旣因識而有滅則從色而除唯在觀照之深自色陰之破餘則迎刃而解故曰事非頓除因次第盡卽前是結本以次第縮生今日當須次第而解之義也故下文曰我已示汝劫波巾結何所不明再此詢問其理顯然問曰前敘消磨六門合開成就與此互用開合何



以異曰前則敘識陰盡處互用之功始著此則敘  
想元藉互用之力滅之此之想元蓋非互用功力  
不能滅也言五受陰者乃是衆生所受報法故通  
名受湛入合湛義見第三卷末

阿難若復有人徧滿十方所有虛空盈滿七寶持以  
奉上微塵諸佛承事供養心無虛度於意云何是人  
以此施佛因緣得福多不阿難荅言虛空無盡瓊寶  
無邊昔有衆生施佛七錢捨身猶獲轉輪王位況復  
現前虛空既窮佛土充徧皆施瓊寶窮切思議尚不  
能及是福云何更有邊際佛告阿難諸佛如來語無

虛妄若復有人身具四重十波羅夷瞬息卽經此方  
他方阿鼻地獄乃至窮盡十方無間靡不經歷能以  
一念將此法門於末劫中開示未學是人罪障應念  
消滅變其所受地獄苦因成安樂國得福超越前之  
施人百倍千倍千萬億倍如是乃至筭數譬喻所不  
能及阿難若有衆生能誦此經能持此呪如我廣說  
窮劫不盡依我教言如教行道直成菩提無復魔業  
佛說此經已比丘比丘尼優婆塞優婆夷一切世間  
天人阿修羅及諸他方菩薩二乘聖仙童子并初發  
心大力鬼神皆大歡喜作禮而去

論曰凡經至其終則曰獲福殊勝者世尊悲心攝  
異種性故以有一類貪著福德菩薩聞空義起邪  
執防退墮故金剛般若曰須菩提菩薩無住相布  
施福德亦復如是不可思議無著曰爲令一類貪  
著福德菩薩深妙廣大之法堪任故若不言無住  
相布施有大福德則成斷滅非唯不能廣攝下根  
亦於無住法失自宗故

統論

衆生之所以流轉三界升沈六道以欲爲之基婬  
爲之括也情之所附想之所依夢歿醉生胡能超

脫世尊以大慈航濟是苦海爲欲頡宣妙法普覺  
衆生慶喜逢知時之將至乃身匿婬舍爲之發顯  
所謂法不孤起也愚嘗精研是經自文殊提攝慶  
喜歸如來所頂禮悲泣勤拳咨請十方如來得成  
菩提妙奢摩陀三摩禪那最初方便世尊不荅但  
以當初發心見何勝相頓捨恩愛又以一切衆生  
從無始來生歿相續皆由不知常住真心其次又  
以爲不識知心目所在及於內外七處縱奪問之  
何歟竊原如來之意將提攝慶喜至如來自到境  
界及令末世衆生如慶喜自見自悟此則直指之



道非觀照可及於此不能針芥相投神領意解則  
如來不得已示以入三摩提之路破五陰魔之惑  
是爲最後垂範嗟夫如來悲憫之心可謂至矣然  
經旨微妙未易發明自神龍繙繹房相筆受繇唐  
迄今無慮數百年箋釋之學不爲不衆類皆舉此  
畧彼互有得失 國朝寂音尊者於此經中得大  
受用遂著尊頂法論詆闢異說疏通奧義惜其未  
傳而入圓寂園悟禪師偶見之歎曰此真人天眼  
目也卽施長財百緡勸發盱江幕彭公思禹刊于  
南昌建炎之後其板不存紹興初其徒智俱化緣

重銀行於高安今復湮沒世無此論其功唐捐二  
山紹枝首座獨瓊藏之愚扣請至再始啓十襲觀  
其文約而辨義宏以顯迷冥暗室破以華炬拘攣  
疑網決以寶刀手之拳拳不能釋去以其統說貫  
爲聯編也爲之釐析於正文之下是爲合論以其  
理有未到也爲之補以其文有不安也爲之削以  
其字有舛也有訛也爲之正淳熙乙巳僅成綿蕪  
未遑流通紹興壬子以進普燈錄振錫都下館於  
郊臺祇園菴越明年冬徙居吳興永壽蘭若泉石  
蕭然飽食酣寢之餘抖擻蠹素卒成厥志凡小字

非正卽補俾觀者有攷焉始寂音著是論靈源以書抵之謂室後人自悟之門故寂音後敘謂有人於此稱祖師棒喝則謂之禪置棒喝而經論則謂之教於實際中有此取捨乎未達者以爲矛盾寶覺嘗與老南和尚分座於黃蘗啓迪方來尋從泐潭月禪師授此經要及謝事黃龍居晦堂日讀此經不輟每掩卷拊几告叅徒曰此禪髓也有以知前代宗師互相激揚不得不爾未易以差殊觀也寂音諱德洪覺範其字筠陽人得法於真淨無盡居士張公商英與之莫逆其行實見續僧寶傳寂

音尊者其自號甘露滅又其別號也無盡罷相爲逐客寂音亦羈縻罪地是時乃成此論昔文王拘羑里重易六爻若無羑里也孔子在陳弦歌不衰若無陳也後秦肇法師亦於園扉中終寶藏論大慧焚牒竄梅陽著正法眼藏聖賢之處患難無入而不自得寂音則亦然少年雋異自儒生祝髮文字膾炙人口世遂以爲詩僧大慧處衆時嘗尊以師禮住雙徑日圖其像而讚之迨還自貶所至同安首修其塔近有作公論者肆筆詆訶多見其不知量也雖然寂音謂瑠璃王嗣位誅釋族一事豈



此會方與其父有指河之喻而慶喜已叙其子事  
由是而知自問名後乃他時所說特結集者裒續  
爲一經爾如來說此經與涅槃始末十有八載皆  
不可以一時論而無盡又修此經爲清淨海眼刪  
去指河及他事節則大謬矣嗚呼謂楞嚴可刪則  
三藏十二部孰非可刪之文清涼國師造華嚴疏  
欲證譯師訛舛而不得梵本但書之經尾如云佛  
不思議法品上卷之第三板第十行一切諸佛舊  
脫諸字又云大瑠璃寶恐是吠瑠璃寶圭峯從圓  
覺悟入作疏鈔欲改皆證圓覺爲皆具圓覺眞淨

極口痛罵謂若一切衆生皆具圓覺而不證者更  
無一人發真歸元凡夫不必求解脫矣孔子以斯  
文爲已任因魯史作春秋雖遇筆削斧斲之旨於  
二百四十二年之間如書夏五書郭公則亦因其  
舊文信以傳信疑以傳疑況西方大聖人之書又  
非世書之比孰謂無盡在儒門爲鉅公在覺苑爲  
大居士乃於此經擅爲妄改何弗思之甚也豈惟  
是哉圓覺曰此虛妄心若無六塵則不能有宗門  
單提姑以六字爲句可也天竺訥以爲定句則不  
可也根與塵合方有妄心如來之意以此今則先

有妄心倒置本旨豈期然乎雖佛以一音演說法  
衆生隨類各得解以意爲解可也以句爲定不可  
也靈巖安禪師讀此經至知見立知句卽無明本  
句知見無見句斯卽涅槃句安破讀爲知見立句  
知卽無明句本知見無句見斯卽涅槃句洞然開  
悟後人顧可因以是爲定句耶梁昭明太子析金  
剛般若經爲三十二分而世師尚疵之謂爲破碎  
法身況訥爲義學之師乃妄定句讀如此抑其大  
謬矣清淨海眼經會稽僧慧印已版行是滋後人  
之惑故愚於此不得不正救其失圓覺畧疏序有

曰不以其所長病人故無排斥之說不以其未至  
蓋入故無胃臆之論今愚則不然其所是非其  
所非何嫌於排斥之說因其舊義附以己見何嫌  
於胃臆之論故舉其得失之槩畧見于卷中益使  
寂音之議粹然一出無纖瑕微類之可指顧不遑  
歟倘有未然尚俟來哲

大佛頂如來密因修證了義諸菩薩萬行首楞嚴經  
合論卷第十

敘曰世尊於法華之後說此經備足諸經奧義畢殫  
一乘要旨初龍勝閱於龍宮默誦而出五天世主秘



重不傳天台智者釋法華經不解六根功德之義停  
筆思之有梵僧謂曰唯首楞嚴經著明此義得以證  
成不必釋也智者於是日夕西向再拜願早傳至此  
土竟不見而沒唐神龍中彌伽釋迦持梵本至廣州  
州牧房融對譯俄剎賓國王遣使追取之幾不得傳  
傳譯畢矣融進御會中宗登極未暇宣布僧神秀飯  
于禁中得之持歸荊州玉泉寺自經至今五百餘年  
傳著箋釋者無慮十餘家然判立宗趣多異同而文  
不達義因黠昧余嘗深觀之得世尊意於諸家傳著  
之外將造論排斥異說端正經旨世緣羈縻未遑措

筆政和元年十月以宏法嬰難自京師竄于朱崖明  
年二月至海南館於瓊山開元寺寺空如逃亡家壞  
龕唯有此經余曰天欲成余論經之志乎自非以罪  
戾投棄荒服渠能整心緒研深談而思之耶屬草未  
就蒙 恩北還依止故山精舍又二年而克成二三  
子進曰經論各有師承奈何以禪宗經論乎余曰馬  
鳴龍勝西天祖師也而造論釋經浩如山海流傳此  
土者尚數百萬言達磨曹溪此方祖師也而說法則  
曰唯楞伽經可以印心傳心則釋金剛般若之義禪  
佛祖之心經佛祖之語佛祖心口豈嘗相戾有人於

此稱祖師用施棒喝則謂之禪置棒喝而經論則謂之教於實際中受此取舍乎賢沙曰宗門教乘由汝舌本自回轉耳豈有實相韶國師舉今人看古教偈謂衆曰諸人喚甚麼作教莫道見說教之一字滯在教內道我宗門不恁麼莫錯好教不迷人人迷於教只如五千四十八卷若識得不剩一字不欠一字若剩一字佛法有增若欠一字佛法有減佛法且無增減底道理又曰祖師是佛弟子若窮得佛語祖師語自然現前此殆天下之名言也嗟乎經之來其艱難如此而傳著之家又從而汨之學者既付受不妙乃

疑以爲教乘其自障有如此可爲歎惜我釋此論有能於中發明自心契會佛意者願世世以法爲親同本願力共濟衆生化令成佛八年五月一日謹叙

重開尊頂法論跋語

華嚴經以諸善根迴向爲善學智地大方便海而大要皆願以妙辯才爲諸衆生隨機廣演悉令解了蓋如來以平等慈印現世出世法無上義諦非有超詣辯才以祛邪解釋妄執使知境智歷然則隨順無明長眠生死徒自障隔耳是故菩薩於善慧地作大法師演說諸法必以無量善巧之智起四無礙大辨而



四者所宗皆種種智轉一切法輪由是知辨才出於  
智地利益衆生無暫捨離者以其通悟如阿耨池流  
周浹無礙於我法中無戲論故寂音尊者寶覺圓明  
禪師從墮地初有冲天志繼得法於文關西英風  
靡智海湛然出慧光三昧爲翰墨自在遊戲故其見  
於文者皆道之餘也然以之藻飾教乘發明要奧  
璀璨飛動如以阿僧祇寶間錯諸地妙莊嚴具凡見聞  
者聳然增勝隨其根器各有所得豈非有所謂大辨  
才者乎而滯於跡者不究所歸往往惜其牽於儒習  
則第知其吐詞奮筆波瀾一世而已嗟夫盤之走珠

珠之走盤了無不可而妄議其橫斜曲直是豈真知  
寂音者哉不幾墮於戲論歟嘗觀此經注論專以了  
知自心入道之門成佛顯決以定宗趣之立性相洞  
該頓漸悉證詞約而達理盡而明非徒騁於虛文也  
精研窮探造前輩所未到要其本際內融而力以弘  
法爲己任故見道之審率自肺肝中流出無徃而不  
通也建炎間寂音既逝伯氏思禹幕旰江喜其徒之  
請佛果禪師亦以百千爲助卽鏤板于南昌未幾大  
于寇兵關二十年幾廢而僅存高第智俱慨然奮勵  
奔走高安再募刊行清江掾涂元秩見之揮金以資

之倡而希者翕然不數月而辨寂音之道厄而愈冥  
蔽而愈明而俱之願力成就所以緝嗣事振家風亦  
可謂無邊恨矣昔竺道生解悟諸經未傳之旨而諱  
輩憎嫉誣以爲邪說生盟於衆曰如我所說不合經  
義罪當如律苟契佛心願終據師子座於是豎石當  
聽徒以取決焉而叢石首肯之已而升座詞音暢潤  
墮塵而化嗚呼生之具足智證可謂見道之審自信  
而無所防者矣寂音嘗論至此以謂生所見者純全  
而義學相與擠去之小智自私無足怪者余以是知  
生與寂音啐啄之機默契於千載之下造車合轍固

道耶余於寂音同宗兄弟也以舊本訛缺爲手  
小楷以便學者閱習旣終其經又撫其實以識  
云紹興丁卯元日雙溪彭以明謹書

百媚羊入切矯居天切詰音乞夔魚列切豨音段霰音益辟必益

媛院音枳音止踈音疎綏音須褫音切隄音同隄音同隄音同

于音窳音室音泐音姜音舛音芟音藪音

劉音決音掾音涂音塵音擠音




檀王肯堂施銀貳兩于玉立施銀壹拾伍  
于玉德施銀壹拾玖兩范氏施銀貳兩沈  
八施銀壹兩王肯堂集衆檀越銀壹拾壹兩  
合錢捌分肆厘共刻  
佛頂首楞嚴經合論十卷

檀王肯堂

小辭夏六月朔日識

巖匪余大





丰  
~~大尾~~  
大尾

四十  
鄭

